

Scheibenschlagen

2009

Nachname Vorname

Löschgruppe Graf-Gurnau

Grafer Kapelle

Liabe Leit, heint mecht mar enk olla schia begrießa,
wos d'rnoch iatz kimmt, sell kuan verdrießa.
Noch oltem Brauch tia mar ou Böller schiaßa.
A Verübl, dös war ins gor it recht,
a Hetz muaß sei, wega dem tia mar's decht.
D'Fuirwehr tuat enk in dr Noat olli halfa,
drum seits it beas und lot'sas galta.

Die earscht Scheiba, die hella,
keart dr Grafer Kapella.
Daß dr hl. Johannes von Nepamuk weiterhin über ins wocht,
und in dr letschta Stund für olla a Fürsproch mocht.

Da Böller hobts keart, iatz gia mar's on,
zearscht keima huiru d'Grafer dron.

Fam Hotz Oskar Edith

Ja es isch wirkli war,
d'r Oskar isch o schua 70 Jahr.
Ums Haus hat er an haufa z' tian,
und isch an Bauam im Weg muss ma auf die Stromkabel aufpassn dazu isch er o
nit schian.
Der Felsa isch o zum saniera,
da muaß an Spezielist des gonze inspiziera.
Da isch glei a Firma auftaucht,
und hat für die Arbeit nu a Wocha braucht.
Oskar tua die Pension mit der Edith geniaßa,
und nit um die Arbeit verdrießa,
iats lossa mir no an Böller krocha,
mir wünsch a enk no viel Glück und viel zum Locha.

Hotz Hannes

D´r Hannes hat a nuis Hintli koaft,
des hat einfach FINN toaft.
Wenn es amal mit dem Hannes telefoniert´s,
a grelles Geräusch im Hintergrund enk schockiert.
Des isch der Finn der schreit,
und an jeden Vertreter aus dem Büro vertreibt.
Des Hintli isch ganz lieb und folgsam,
mit dem Temprament isch er recht sparsam.
Hannes tua den Hund recht guat abrichta,
nocha kenna mir nächst Jahr epas anders berichta.

Hotz Lydia und Beate

Beate hat Ihr Auto tauscht,
an tolla Woga mit viel PS, dass es nua so rauscht.
Des Dach kann ma per Knopfdruck ocha nehma,
da kann ma im Summer gwis Kopfweh bekomma.
Im Recylinghof kann ma im Schrittempo da Mull abloda,
des isch bestimmt an Vorteil-ganz gewiss kuan Schoda.
Mir wünsch a enk no viel Erfolg Spaß mit dem tolla Corvett,
da wird a jeder Ausflug so richtig nett.

Hotz Monika

Monika mehta mar huira nit ploga
und tia aber dafür a Scheiba weit ausa schloga.
Inser Beileid wella mir dir überbringa,
und fürn Raimund lossa mar a Raketa auasinga.

Hotz Martin + Maggi

Dar Martin, jeder kennt sich aus,
baut ouba drau aufs alte Haus.
Uans miaßa mar nou genau abkleara,
sell dear ganze Stock lei enk drei keara?
Dia Wohnung dia weart ganz sicher schian,
drum weara mar iatz a Scheiba ausm Fuier tian.

Bar Melody

Enk mechta mar recht herzlich begriässa,
und glei am Anfong a Raketa für enk schiaßä.
Wou geiht ma am Abend auf auf Birli hi?
Da gibt's nur uans, in d'nui Bar Melody.
Miar wünschä enk a guats, ertragreichs Johr,
und haua enk nou a Scheiba übern Bichla a.

Schröcker Franziska

Die Franziska tuat no fest in Innsbruck studiera,
ma sieht sie jeden Tag Richtung Bahnhof spaziera.
Hoffentlich wird Dir des Pendla nit z'viel,
weil des studiera isch ja o kua Kinderspiel.
Fränzi, wenn du fertig bist, lass es ins wissa,
weil a tolli Feier in Graf mechta mir nit vermissa.

Fam Schröcker Hermann Elfriede

D' r Hermann hat zur Zeit viel Arbeit beim Plan inspiziera,
bei amso an grossa Projekt in der Nachbarschaft muaß ma hald hianta mal
interveniera.
An groösa Kran hatta sie Ihm vor Nasa baua wella,
da hat d' r Hermann gseat den sella si wo andersch hin stella.
Da wird o glei a Lösung g' schaut,
nocha isch des o wieder glei verdaut.
Mir wünschä enk no a guats nuis Jahr,
iats no a Raketa fliaht wunderbar.

Schröcker Evelin

Evelin isch entweder auf der Arbeit oder dahuam,
nur ausging tuat sie nit alluan.
Man sieht sie wia sie in der Friah mit ihrem Auto in die Arbeit fliaht,
dass sie gwiss noa an Parkplatz kriaght.
Bei der Volksbank isch jeder Parkplatz ein heiß begeehrtes Gut,
für des ma sogar Friah aufstehn tuat.
Evelin mir wünschän dir viel Glück und Segä und wera dir einen Parkschein
hinterlega.

Geschäft Aglamaz

S' Geschäft Aglamaz in Graf isch überall bekannt,
da kriagt ma die besten Spezialitäten im ganzen Land.
Da kansch Brot, Kaffee oder türkische Schmankerln koufa,
und muasch gar nit weit loafa.
Daß es in Zukunft weiterhin kennts so a gutes G'schäft macha,
lass m'r iatz no an Böller kracha.

FA Walch + Plannger

Die tüchtigen Ingenieure tian viel planen und konstruiera,
sie tian die Wasser und Kanalleitungen richtig im Straßennetz intigriera.
Im Strenghaus hoba sie a tolls Büro bezocha,
da sieht ma viel Computer und ander technische Socha.
Mir lassa no an Böller krocha und wünschen enk viel Auftrüg und Zuig und Socha.

FA Streng

D' Firma Streng tuat da Fuhrpark ständig modernisiera,
weil nocha kann ma earscht richtig mitkonkuriera.
Ober dass ma ihna nit wieder amol an Bagger klaut,
hoba sie vor dean Fuhrpark an Schronka hea- baut.
Weil dös war nit fein un ou nit schian,
wenn im Langets noch kuani Geräte mia do stiahn.
Für den Foll der Fälle, ma konns jo nia wiassa,
weard iatz zur Scheiba ou nou an Böll'r g'schmissa.

Franz Friedrich + Elisabeth

Friedrich und Elisabeth es isch alli s'Gleich,
Gschichtamäßig weart ma bei enk nit reich.
Sicher isch bei enk zwoa an Haufa loäß und miar wischtas geara,
nu, so viel Leit ma ou fragt, ma kriagt nuit zum Heara.
Eas seids Undercover kann ma da bald glouba,
iatz schiaßa mar enk a Scheiba vu ganz weit douba.

Petter Johann

In Joschi sieht ma olli mit'r Sporttasche spaziera,
was da drin verstecks tat schua alle interessiera.
Mir gloaba du tuasch da die Gwand zum Training transportiera,
damit bei die Wettkämpf kansch wieder aufs oberste Treppchen marschiera.
Dass bei deine nächsten Rennen geht alles guat,
hola mir dia Scheiba b'sonders hell aus d'r Gluat.

Fam Matt Egon Annemarie

D´r Egon a guats Essa liebt
da isch es kua wundar dass er für a nuie Kucha gera Geld ausgibt.
Der Umbau war ein richtiges Großprojekt,
mit Abruch und Staub von dem Schremhammer war ma o glei taub.
Mit soviel Platz hat Annemarie so viel Freid, isch klor das die Kocharei viel
aufwendiger werd.
Mir wünsch enk viel freid beim dinniera,
iatz tiama no a Raketen spendieren.

Fam Matt Richard Rosi

Ja Leit es wisst des sicha schua
Dr Richard isch nimma grad dr jingschte Bua
Hat gfeschtl und gfeiert es hat gschebart und kracht
Fufzig weard mal ei oumal mal des war decht no glacht
Und Rosi was sagsch du denn dazu
Isch er alli no so knackig wie an junga Bua
Mr hoffa es habts no a schiane zeit
Des wünsch ma enk mit dera scheiba heit.

Matt Christian

Dr Christian arbeitet bam Kofler, schua bold 10 Jahr,
da gibt's kuani Probleme ,do isch oll's wunderbar.
Er managet dort ol's ou des mit'm Geld,
no hommarn beir Fuirwehr glei als Kassier ong'stellt.
Politisch tuat er sie er morz angagiera
wearsch eppa in der Partei weit aua marschiera.
Bei dr Arbeiterkammerwahl isch er vorna dran
und inser nuier Star in der Region.

Maidel Wilfried

Vom Willi isch es nit leicht was zu sogu
er wird sich viel mit m Haus abploga
secha tuat ma di leida fast nia
für ins isch des zum schreiba net grad schian
Willi mir hoffa du lasch di heier öfter blicka
Und tian dr iatz a Scheiba ausischicka.

Maidel Johann

Vom Johann gibt's nix neus zu berichta
obwohl es gab sicha interessante Gschichta
er wird dahoam die Pension geniessa
und im Summa die bluma fleissig giessa.
Im Winta sigt ma di halt net grad oft
weil wahrscheinlich fleissig beim Ofa hocksch
drum lass ma für di a Bölla kracha
und hoffa mir hera von dr no viele socha.

Fam Schmid Robert Monika

D'r Rober sieht ma alli umchaflitza,
s' Haus muaß inwendig und auwendig blitza.
A nuis Doch deas war iatz ou schu Zeit
und schua sei Dachziegel glega bereit.
Sellta mar d'Fuirwehrrhalle amol generalsaniera
noch kansch gera mithalfa, brauchsch nit vorbeispaziera.

Fam Nitsche Kurdoglu Gerald Brigitte

"Ku Wort Deutsch" mei liaber Gerald miar verstiah,
und decht tuasch in Frankfurt auf der Buchmess doba stiah.
A Nuiauflog vo deinem Buch aus der 90-er Johr,
400 Seita sell des hoba - isch deas oh wohr?
Dir und dr Brigitta winscha miar iatz no im Karnawaldele a schiane Zeit,
und schwinga die Scheiba außa gonz weit!

Horvarth Heidemarie

Foto hin und Foto her
die zum secha deas isch schu schwer.
Graf oder Mils beim Freund dahuam, wo tuasch denn bleiba
wearsch woll it olli do dunta verweila.
A Foto von dir in Pose, kansch ins schua mal schicka
miar tatas in dr Fuirwehrrhalla auf'd Wand auchapicka.

Fam Horvarth Erich Elisabeth

Im Atelier vom Erich des konsch fascht it glouba,
da isch überhaupt kua Unordnung doba.
Mola kantasch da als Blinder,
tatasch jeda Pinsel finda.
Alle tia aufn Millimeter am richtiga Platzla liega,
als mechta sie kuan Saustall icha kriega.
Dr'zocha hosch dei Werkzeug guat,
miar hola dafür a Scheiba aus der Gluat.

Horvarth Thomas

Hallo Thomas bisch du dahum,
mir kenna fascht nie mit dir telefoniera und reda -
wearsch miaßa s' Telefon in obero Stock aualega!
Dr. 'Thomas mit Sack und Pack tuat den hohen Norden erkunda
und draht in Dänemark mit Julia, Leo und Hund in seim Auto so manche Runda.
Deine Urlaubsgschichtla tian inz schu interessiera,
miar lossa dr iatz no an Böller marschiera.

Horvarth Martha

D' Martha isch agil und alli guat drau
Klopfa muasch aber beim Fenster sinsch mocht sie dr Haustür nit au.
Es hat mit'm heara z' tian,
deas isch aber nit schlimm mir kenna deas verstiahn.
Secha mechta mir die alli beim Scheibaschloga,
drum tia mar iatz des Birkaholz weit ocha schloga.

Autohaus Zangerle

Seitdem das Autohaus in Strenga isch verschwunda
Hat er in Graf da an schiana Standort gfunda.
Iatz steats schua a weil bei ins in ara guata Log
mir hoffa für die - isch die Wirtschaftskrise nit so a Plog
Drum wünsch mir dir viel Glück im nächsten Jahr
Und an guata Umsatz deas isch ja klor.

FA Wille Egon

Der Getränkehondel Wille, dös liegt auf der Hand
Isch vu der Grafer Fuirwehr der Getränkelieferant
Un wenn miar a Fescht hoba so wias wia's Scheibaschloga
Kenna miar d'Bierbänk und dia Behälter vom Wille gratis hoba.
Für deas mechta miar amol donkschia sogä
Und lossa zur Scheiba ou nou a Raketa ocha.

FA Wille Harald

Deam Harald lossa miar iatz glei an Böll'r krocha,
eigentli mocht er gonz geschickte Socha
Am Wochenende isch er zwischa Grins und Dawin dahum
Entweder auf sein'r Hitta
oder mit seim Schidoo auf Weg - oder auf ama Ruan.
Dös tuat ober niemand scheniere
Weil damit tuat er ou gleichzeitig d'Rodlbohn schian planiera.

FA Wucherer Heinz

Dia Scheiba isch weit aussì, dös sieht ma genau,
iatz bleiba miar stiahn bam Wucherer-Bau.
Do braucht ma nit weit fohra, ma sieht dös genau,
In dieser Firma gibst ollas für'n Bau.
Sond, Zement, Putz farbig oder weiß,
dös ollas zu ama guata Preis.
A Raketa lossa ischj ba deara Scheibe ou dabei
Zum Kassiera kema mir noch salber vorbei.

Pammer Herbert Kathrein Anni

Beim Herbert, sou kann ma heara,
tuats mit dar Gesundheit alli besser weara.
Deas gfreat ins fescht und miar winscha enk,
nou mia Gesundheit als Geschenk.
An weitara Aufschwung ou im Jahr 2009,
und der Böller, hearts'n krocha, sell für enk da sein.

Koch Helga

Ja Helga, was mar vu diar heara,
a Vorfahrtsregel tuat di nit steara.
In Seellenruhe fahrsch du beim Mpreis zrugg,
bis es tuat an gscheida Ruck.
Und als hats dar Tuifl in dar Hand,
deas andere Auto isch wohl bekannt.
Vum Fuierwehrkommandant Stellverteter d'Frau ischas gweasa,
drum kannschas iatz im Sprichli leasa.
Dass dir so eppas numma passiert
iatz no a Raketa auamarschieret.

Fam Thurner Udo, Evelin

Dr Udo und vorallem sei Frau megas gera sauber ums Haus
Drum hat er sich denkt i mah den Bichl ums Kapalli aus.
Aber die Stauda neba on sei nit schian
Da bleibt dia Motorsog nit lang in dr Werkstatt stian.
Dass ou deas Jahr tuasch auf die Schönheit vo inserm Weiler schaua
tia mar dr iaz an Böller ins Feuer haua.

Huber Karin

Karin, bei dir ischas decht a Gfrett,
wenn ma über di mit andere Leit red.
Huira war wirklich nix zum darfrog, da mecht ma sich schua fascht bekloga.
Du bisch alli Guat für nette Gschichta, miar miaßta dia lei wissa,
und iatz weard dir nou a Scheiba ocha gschmissa.

Fam Ruetz Markus

A Neuigkeit gibt's indar Landecker Kirchenwelt,
eas wird an gemeinsamer Pfarrbrief erstellt.
Als Redakteur tuat dar Markus dean Pfarrbrief mitgestolta,
im Herbst hot ma kenna in earschta in die Händ holta.
Dia Neuerung kimmt in dar Bevölkerung sehr guat an,
da kann mal lei sog a bleib in deara Richtung dran.
Für guate Idea ou im nuia Johr,
haua mar dar iatz a Scheiba durcha.

Wagner Walter Ingrid

Umweltfreundlich, deas isch modern,
sou am Trend deam folgt ma gern.
Dar Walter und d'Ingrid hoba sich denkt deas war decht glocht,
a sou a Solaranlag isch glei amol aufs Doch aucha gmocht.
Fürn Strom spart ma sich a Geld,
und schont dabei ou nou die Umwelt.
Für deas schiaßa mar enk a Scheiba recht schian,
weaga dar Umwelt weara mar sa moarga wieder aufklaupa giahn.

Moschen Anni

Die negscht Scheiba weara mar weit auße schiaßa,
und auf dar Lischta die Moschen Anni begriaßa.
Fürs Jahr 2009 winscha miar diar lei s'Allerbescht,
Gsundheit, Glück und Fröhlichkeit ganz fescht.

Kirschner Katharina

Den Summer hat ma sie a Zeit numma gseicha umaspaziera
Es hat leider die Rettung kema miasa um sie ins Spital ocha fiara
Aber iaz isch sie wieder total fit
Und loaft umma deas isch an Hit.
Drum wünscha mar dir viel Gsundheit im nächsten Jahr
Und dia Scheiba fliaht auße deas isch ja wunderbar.

Nöbl Markus

Dr Markus hat deas Jahr so einiges gmacht
Und so ganz nebenbei no in Atemschutzkurs gschafft.
Ow sinsch hat er einiges gmeistert
Und ow so a manches Mädli damit begeistert
Immer öfter isch er ganga ins Mauli auf Grins aua
Bis er gfunda hat sei Herzensdame da brauchsch nit schaua
Mir wünscha dir viel Glück auf dr Karrierestiege
Und lass die lei nit unterkriega.

Fam Nöbl Ferdinand , Romana

Dia Scheiba sett weit aussigiahn,
weil iatz bleiba mir am Plon oba bam Ferdl stiahn.
Sett bam Fuirwehrauto amol a Liacht oder an Scholter nit funktioniera
konn Fuirwehr zum Ferdl giahn, der tuats nocha repariera.
So kluani Socha tuat er ins olli glei mocha,
drum soga mir Donkschian un lossa nou an Böll'r krocha.

Nöbl Anna

Dar Anna winscha mar nu s'Bescht,
kimm ins wieder a mal bsuacha auf am Fescht.
Was ma in Graf aso als heart,
isch dassas diar wieder besser geaht.
Deas heart d'Fuierwehr bsunders geahra,
miar schlagta dar a Scheiba aucha bis zu die Steara.

Nöbl Hannes

An runden Geburtstag hat d'r Hannes letscht's Jahr beganga,
im Club d'r 30er bisch iatz g'fanga.
D'Fuierwehr dir dazu herzlich gratuliert,
und a Raketa in Himmel auchi marschieret.
Ab iatz muaß ma natürlich ou mehr auf sei Figur Obacht geba,
da keart an Haufa Bewegung dazu zum Leba.
Die Tourenschis hasch d'r huira ou glei anzocha,
und aufs Thial auchi glofa.
Lei zum Abfahra muasch die Technik no a bissli besser trainiera,
nacha tuasch im Tal deine Füße wieder besser g'spiera.

Fam Schlatter Engelbert Stefanie

Dr Engl denkt iatz lossa mar mal die Junga orbeita,
ober gonz aufheara zum Arbeita wearsch wohl nit derleida.
Eija do hot er glei an Teich in Gorta baut
und Stefi hat'm auf'd Finger g'schaut.
Iatz bisch ja fertig mit allem drum und dran,
so fong lei relaxen an.
Mir wünsche enk iatz s'allerbescht
und schieße no a Raketa aua zletscht.

Schlatter Harald & Melli

Letztes Jahr haba d'r Harry und Melli den Viechbestand missa umorganisiera,
iatz sicht ma 3 Rösser ums Haus marschiera.
2 Noriker und 1 Apaluser sieht ma auf enkera Wiese umchaspringa,
dafür lass m'r iatz amal a Raketa singa.
Für dia Viecher d'r Harry natürlich ou an anständigen Stall baut,
und wie ma in Harry so kennt geht deas halt meistens ganz brachial und laut.
Mit an Haufa Dynamit tuat d'r Harry den überflüssigen Stallboden ausischießa,
und dann kann'r seine Ross im neuen Domizil anständig begrießa.
Lei so wilde Rösser sein nit einfach zum halta,
da muaß ma beim Zureiten lassa viel Geduld walten.
Vielleicht secha miar in Graf amal a richtig großes Pferdegestüt,
wo d'r beste Pferdenachwus von ganz Tirol blüht.

Kobler Gerald

Dia Wirtschaftskrise tuat in Gerald nit interessiera,
weil ma sicht'n olli mit'm andera Auto umchakutschiera.
So an Fuhrpark isch sicher ganz fein zum haba,
da kann ma je nach Wetter s'richtige Auto über die Straße jaga.
Daß d'r deas ou in Zukunft weiterhin ohne Schaden gelingt,
a Raketa in Himmel auchi singt.

Kobler Maria

Aus d'r Gluat isch außa die Scheiba,
iat'z tian m'r a bissli bei d'r Maria bleiba.
Auf's Haus tuasch jo olli gut drau schaua,
d'r Heizung und d'r Wasserleitung kann ma wenna so kalt isch, nit olli traua.
G'sundheit setsch in deim Leba long hoba,
und mir wella die mit'm Sprichla iatz nummer länger ploga.

Traxl Richard

Dr Richard, ja Leit ma hats dr' fragt
Hat kua schians Johr 2008 ghabt
Die Frieda hat leider miasa von dr gian
Aber Richard die Zeit di es ket habts war wundaschian.
Allua sein braucht halt sei Zeit
Aber es schian dass du decht geasch unta die Leit
Drum bleib recht lang gsund und schau no auf di
des wünsch dr von Herzen die Fuierwehrpartie.

Plattner Kathrin

In der Fahrschul in Landeck tuat sie im Büro hocka,
und so manchen in'd Fahrschul icha locka.
Fohra und unterrichta deas war schua schia,
und so tuat sie glei zur Fahrlehrerprüfung giah.
Als jüngschte in Österreich hat sie des bestanda - miar gratuliera,
iatz kantesch in Freund in Andy offiziell als - Fahrlehrerin umchachauffiera.

Fam Plattner Wolfgang Angelika

Olli nu bis zum Gardasee, des war decht glocht,
s'letscht Johr hoba di Plattners a Reise weiter in Süden gmocht.
Ihr Ziel wor die Heilige Stodt, also Rom
mit Popschtaudienz vor'm Petersdom.
S'Poly isch iatz nogelnui und schiah,
do mocht's dr Angelika richtig Spaß zum Putza giah.
Mit dem olta Zuig wor des a Plogerei,
bei dena nuia Böda wischasch drüber und es glänzt ou glei.
Dia Raketa loss mar weit aucha singa,
s'nägscht Johr sell enk Glück nu bringa.

Winkler Franz

Dia negscht Scheiba isch aussu aus d'r Gluat
Mir hoffa es geiht dem Franz olli guat.
Gsundheit winscha mir auf auf olli Fäll,
und lossa ou nou a Raketa vor Stell.

Fam Senn Arnold Ursula

D'r Arnold tuat plana und studiera,
wie er kannt umadum sein Haus renoviera.
S'Doch hat ou schuan sein Schorta,
auf s'nui Material muaß er ober long worta.
Die Zeit kann d'rzwischen kann er ober guat braucha,
weil uanmol in d'r Woche fohrt er auf Perfuchs zu Lebenshilfe aucha.
Do tuat er si ou fescht ongaschiera
Und mit deana Leitla baschtla und schiani Socha kreiera.
Nu loba kenna miatr selchi Socha,
drum lossa miar für di und d'Ursula ou nou an Böll'r krocha.

Senn Evi

Von d'r Evi isch ou schwar jedes Jahr was schreiba,
was wearsch denn du olli treiba.
D'r fraga tuat ma von deine Schandtaten nix,
außer dass beim Pianner Zeltfest bisch dabei, sall isch aber fix.
Managment Lehrgänge am MCI in Innsbruck tuasch organisiera,
dass deas weiterhing guat gelingt, lassa mir an Böller ganz laut explodiera.

Fam Senn Werner Brigitte

Dr Werner und d'Brigitte hoba renoviert,
und ihr Haus generalsaniert.
Bei so ama olta Bau
keart zearsch a nuis Doch obadrau.
Bei dena Ölpreise mocht des Sinn,
drum braucht's ou nuia Fenster drin.
A schians Farbli auf di Fassade dron
und bold kimmt ou dr nuie Balkon.
Des gonze kostet zwor ollerhond,
ober iatz isch enker Haus biggo bello beinond.
Werner, d'Fuiwehr tuat dr nochträgli zu deem 50-er gratuliera
und dia schia Raketa dazu spendiara.
Nu die 50-er Feier hommar vermisst,
do hosch du di noch Wian ocha vertschüsst.

Senn Anna

Dia Scheiba loss mar weit außasausa,
di Anna locht iatz aus nogelnuia Fensterscheiba außa.
Iatz hosch es in deiner Wohnung worm und fei,
und schia schauts aus, do konnsch schua stolz drauf sei.
Viel Gsundheit wünsch mar dr für's nägschte Johr,
moch nu weiter so, nocha isch des wunderbor.

Senn Verena

Weit ocha sett dia Scheiba fliega
Dass d'Vevena alles tuat guat umabiega
Seitm Herbst isch die Jura Studentin wieder in Tirol dahuam
Daeas Wien war ihra uanfach z'kluan
Ow deas mitm Recht war nit ganz ihr's
So hat sie gmuant Sportwissenschaften i probiers!
Momentan taugts ara mitm ihrem Freund in Innsbruck in dr Wohnung
da kenna mar lei mia Glück wüscha und a Diplom als Belohnung.

Walter Berta

Insre Berta hats im Herbst it guat ket,
mit dera Gsundheit isch es manchmal a Gfrett.
Lass alles Unwichtige liaber sein,
wearsch secha, des tunkt die nacha recht fein.
Und dass die s spaziera gian alli gfreit
Schau mar, dass es dia Scheiba nit verjagt. (verjeat)

Fam Walter Markus Sybille

Mir haba keart es tiats all Jahr enkern Urlaub in Italien buacha,
des isch fein da mias atz nit long in dena viela Urlaubskataloge sucha.
In dem Hotel dunkts enk fei,
und a mortz Hetz isch sicher alli dabei.
Da gibt´ s zum Essa Nudla und Pizza,
und am Strand daweil die Kinder schian Spiela kennatz es in der Sunna fest
schwitztza.
Und dass ihna des als nou long Spaß mocht,
Iatz für enk an spezieller Böller no krocht.

Schütz Manuel

Beim Manuel gibt` s huira viel zum schreiba,
weil er sich entschlossa hat in Gurnau zum bleiba!
Dahuam will er beim Haus nou an Stock drausetzta
und lat sich dabei einfach it hetzta!
Gmiatlich und ruhig geat er dia ganze Sach an,
und es geat ou schia langsam ou was vorran!
S` Dach weard nui und schia,
na gibts nacha kuan Ärger mia!
Miar hoffa es loaft alles guat nacha beim baua,
und eas lassat` s enk die guate Stimmung it versua!
Es weard sicherlich alles hinhaua beim earschta mal,
drumm schicka miar dir auf deas aui a Scheiba bis in` s Tal!

Fam Schütz Erwin Christine

Dass d'r Erwin schua länger tuat mit Holza heiza isch ja bekannt,
lei bis iatz isch deas Holz glega wild vor'm Haus umanand.
So an Unordnung kann ma natürlich nit länger lassa,
da muaß ma an Entschluss für a saggrische Holzhütte fassa.
Dia Hütte tuasch du nacha ou schnell baua,
lei Erwin da drin kanntesch ja an LKW verstaua.
Die Gartengeräte mißa iatz ou nimmer stiahn daußa,
da kansch mit'm Rasenmäher direkt von d'r neuen Hütten weg brausa.
In der Hütte muasch iatz lei no an schina Platz konstruiera,
wo kansch die Vespa-Sammlung anständig präsentiera.
Dass d'r deas alles guat gelingt,
an Böller ganz laut singt.

Fam Haag Sabine u. Peter

Peter`s Berufung isch halt decht sein Job,
drum geat`s da lei auwärts und gibt uafach kuan Flop!
Betriebsleiter beim Venet isch er und lat sich`s guat gian,
da bleibt für ins lei mia ua Frag im Raum stian!
Am Berg doaba suacha sa an nuia Chef für die Kantine,
da frag mar ins lei,war deas nix für dSabine?
Vielleicht strebt dr Peter deas aber für sich selber an,
miar wara ins sicher dass er ou deas macha kann!
Miar winscha ins lei s` beschte für`s huirige Jahr enk zwoa,
und schлага enk nou a schiane Scheiba durchah!

Pfisterer Peter

Iatz lass m'r am Anfang glei a Raketa steiga,
und tian d'rzu no an Böller anreiba.
A Jubiläum hat d'r Pete huir zum feira keat,
mit seim 30er hat'r sich aber nit gmacht a morts G'frett.
Nach Kappl hat'r eingeladen zur Feier, dia war an Hit,
bis in d'Fria hat fast jeder gfeiret mit.
Sei letztem Jahr d'r Pete ou an neue Arbeit macht,
du hasch bis iatz eppa schua z'viel Zeit in die Felswänd verbracht.
Als Fliesenleger sieht ma die Land auf Land ab,
die Arbeit weart bei enk nie sein zu knapp.
Den Job wearsch eppa ou viel lieber tian,
weil da kansch bei deiner Frau jeden Abend auf d'r Matte stiahn.

Pfisterer Dieter Christine

D Arbeit vom Dieter tuat manche intressiera,
drum sein mar mit ihm gfahra die Tunnel inspiziera!
Schian isch es gwesa und interessant,
d Fuirwear bedankt sich und vor allm inser Kommandant!
Miar hoffa des war nit s uanzigschte Mal,
auf des aui schiaß mar a Scheiba bis ins Tal.

Wilhelm Karin

Karin hat montiert recht viel Markiesa auf ´m Haus,
da macht uam im Summer tia Hitz numa viel aus.
Mit dem Wind des isch halt a so a Sach,
wenn er die ausforne Markiesa fast achreist vom Dach.
Beim nächsta Schlechta Wetter tuasch sie lieber zu
Nit dass sa d´r amol achafolt auf´n Bua.
Zum Abschluss lass mar no an Böller kracha,
es isch ja nix passiert drumm kon mar drüber locha.

Carpentari Carina

Die Carina, homar dr'fragt,
hot iatz ihr Lehr ou fertig gmocht.
Und ou die G'sellprüfung des war jo glocht,
hot sie mit Bravur gschofft.
Iatz well mar dar no gratuliara,
und dia dar no a Raketa spendiara!

Fam Carpentari Reinhard Marlies

Mit fünfhunterttausend Kilometer weart der Flitzer numma long loufa
Drumm hat sich d´r Reinhard und Marlies a nuis Auto miaßa kaufa.
Dass der BMW nit rostet und hebt a lange Zeit,
hat d´r Reinhard gstellt glei a Carboard bereit.
Iat´ s lass mar enk no a Raketa brausa,
Dass at´ s long Unfallfrei tiats uma sausa.

Carpentari Rosemarie

Dia Scheiba sell weit außamarschiara,
nochträgli tia mar dr Rosi zum 40-er gratuliera.
Fesch beinond und a super Figur,
dia holt si sich mit Gymnastik und Walken in der Natur.
Di Orbeit beim Handl gfolft ihr nit schlecht,
ober a bissli Obwechslung braucht si decht.
Drum tuat si in Ischgl beim Intersport verkoufa,
do wou di schmattiga Russa umaloufa.

Fam Carpentari Reinhard Michaela

D´r Reinhard hat mit seim Sohnemann a nuis Hobby gfunda,
da verbringa sa miteinander an haufa Stunda.
Secha tuat mar sa öfter in Grins bei der Ladabrugga stian,
und schaua wie die Modellflugzeug fliega wunderschian.
Solang d´r Lukas fliegt tuat nit viel passiera,
aber der Reinhard hat des natürlich oh miaßa probiera.
Kaum war der Flieger in der Luft,
isch des Modell glega am Boda mit ra heida Klufft.
Des hat d´r Reini aber nit scheniert,
und hat´n glei wieder mit a bisli Kleber repariert.
Lasch der des vom Lukas decht noamol richtig bei bringa,
dafür lass mar dr iats no a Scheiba acha singa.

Carpentari Jürgen und Sonja

Bein enk schreibt sich a Sprichli gschwind,
gibt's decht allabot a nagelnuis Kind.
Aber bis zum Schluss hat ma lei keart,
dass es zwoata Kind ou a Madali weart.
Di Überraschung bei dar Sonja war sicher groaß,
legt ma ihra im Kreissaal a Biabli aufn Schoaß.
Iatz miaßa mar da Nevio in insarer Runde schian begriaba,
und weara ihm und dar Laura a groaße Raketa auchaschiaßa.

Sailer Gerhard & Brigitte

Dar Gerhard und Brigitte kema ou schua dran,
obwohl i sie gar nit auf dar Lischta han.
Und trotzdem krigats a Sprichli vu ins,
d' Meldung miaßats nou schicka auf Grins.
S' negscht Jahr seids sicher schu offiziell,
und inser Sprichli isch numma kriminell.
Auf dass' as enk wohl fühlt' s bei ins,
schiaßa mar a Raketa aucha auf Grins.

Pekar Manfred und Sabine

Letscht' s Jahr des haba alla gseacha,
isch an mortz Lastwagga bei enk vor' m Haus gwesa.
Der hat bracht an haufa Dreck,
mit dem habat' s enk grichtat an ebna Fleck.
An Englischa Rasa habat' s gstrad,
kurz drauf hat mar schua erste maol gmaht.
An Böller lossa miar iatz ou nou krocha,
dass enk dahum beim arbeita des alli no a Freid tuat macha.

Fam Pfeifer Karl Brigitte

Vor Brigitte kenna m' r huira lei guate Sacha berichta,
aber des isch ou nit schiach zum dichta.
Viel Zeit und angoschma tuat Brigitte investiera,
und tuat al Jahr amol nach Indien ocha fliega.
Für des Land tuat sich die Brigitte angaschiera,
und viele Leit a schiane Zeit spendiera.
A Patenschaft hat sie übernomma,
des kenna mar lei begriaßa und oh gonz fest Loba.
Dass du gsund und Unfallfrei duasch in Indien umatreiba
Tian mar d' r iat' s no an Böller anreiba.

Öttl Wolfgang Christina

An großer Vogl isch über Gurnau gfloga,
und hot draht beim Wolfgang a 2-3 Boaga.
Er hat sich um an Landeplatz gschaut,
und wahrscheinlich ganz anständig mit der Zeit verhaut.
Weiter hat er seinen Flug nach Afrika gmacht,
und denkt da weart huamwärts an Nistplatz gmacht.
Der Wolfgang flüstert der Christine: „Du horch,
vielleicht isch der große Vogl sogar an Storch“.
A Rakete schiaß mir no drau,
und im Herbst wissen miars dann ganz genau!

Würthenberger Claudia u. Armin

Dia Scheiba schiaß mar außa bsunders weit,
iatz nehma mar ins für di Claudia und in Armin Zeit.
Das sich des mit´m Wohnungsinrichta leitchter vertret,
Isch iat´s aber bumla angseht.
Claudia und d´r Armin tian gera da Föger in Telfs bsucha,
da werat´s enk a nitzliche Kucha aus sucha.
Tia Kucha isch sicher an Traum,
da wear m´r beim Kassiera sicher kriega an guata Kaffee mit Schaum.

Fam Landerer Franz Elfriede

Dar Franz, deas wissa olle do,
isch an Autospezialischt seit viele Johr.
Ou bei Schneefahrbahn muaß er kuane Ketta montiera,
um die Tante Anna zum Winkler ocha z´fiahra.
Kurz voar dar Neadar-Brugga ischas passiert, deas Auto verliert in Holt,
und isch halt glei in Zaun icha knollt.
Franz, ou mit am Geländewoga mocha Kettna decht an Sinn,
da hattasch holt wianiger Beila in deem Auto drin.

Fam Marth Edmund Helene

Dia Scheiba isch aussu, weit und schian,
iatz bleiba mir bam Edi und d'r Helene stiahn.
D'r Edi isch olli auf d'r Roas
Und sitzt nit lei dr Helene auf'm Schoaß.
Manchmal ziacht er z'Fußa seini Runda
oder er tuat mit'm Auto sein Revier erkunda.

Fam Schultes Hubert Brigitte

Dr Hubert hat an Traktor an schnella,
und mechat eppa a Bergrenna gwinna wella!
Du wearsch eppa it um d'Grafer verdriaßa,
weil im Summer auf d Zammer Alm aui hasch miaßa.
An Almsommer mit dr Gitti isch schian, sall isch gwieß,
drum schicka miar dir no a Scheiba aufn Ries.

Vogt Herta

Uans wissa miar alle und deis isch gwieß,
di Herta isch fast alli am Rieß!
Ob „Kneiper-Kärtnen“ oder an anderer Verein,
wenn's um tanza geht isch die Herta olli dabei!
Wenn sie mal dahua isch sie öfter mal fluacht,
weil sie verzweifelt an Hausl suacht!
Momentan tuat sie um ihrn Fuaß verdriaßa,
sie hat ihn verknackst und deswegen d Rettung hoalla miaßa!
Und da hat sich d Herta glatt trauf frog,
ob die Rettungsmander ihr vielleicht in Fernseher in Kaller achi troga!
Dass ins du in Zukunft nimmar tuasch die Rettungsleit ausnutza,
miar dir iatz a Scheiba ins Tal achi schutza!

Vogt Irene

Miar hatta geara g'schriebe a'längers Gedicht,
nu kriag't ma die nur selten zu Gesicht.
Ma sieht die ab und zua im Auto hocka,
da mias mar die in Zukunft mia ausi locka.
Vielleicht wiss mar no mia G'schichta,
über dia mar kenna s'negst Jahr berichta!

Vollath Hubert

Dr Hubert isch an Mann von Welt,
und hat gwies an groaßa Haufa Geld!
Es isch ihm überhaupt nit zviel,
drum hat er sei Auto am Anhänger vom Wohnmobil!
Wenn mas will aber so bequem,
gibt's glei amol a Parkplatzproblem!
Dass du mit deiner Schwester auf Abano bisch war gscheider,
na hasch di nit kümmera miaßa um andere Weiber!
Hubert loss di auf deine Urlaubsfahrta nit gor aso ploga,
sinsch schleits (schlagt`s) dr zum Schluß no auf dein Moga.
Miar hoffa du tuasch deine Fahrta genießa,
und tian dr a Scheiba in Ruan achi schiaßa!

Koppmann Gerhard & Marianne

Dr Gerhard hat wia a por schu wissa,
beim Wintersport s Handtuach gschmissa.
Er hat miasa a nuis Hobby schaua miaßa,
miar hoffa du tuasch um`s alte it zu sehr verdrieaßa!
Die Kirsten und dr Frank habe den 50er genau,
und dr Simon legt da runden 20er drau!
Zur Goldenen Hochzeit lass mar der Marianne und im Gerhard a Raketa und an
Schuß,
und mitm feira isch iatz aber Schluß!

Larcher Mathias

Normalerweise tuat d'r Mathias mit Musikstars von Konzert zu Konzert flitza,
lei huiru im Winter hat ma die österreichischen Schispringer in deim Bus gsecha
sitza.
Bei so am Job muaß ma ganz behutsam fahra,
weil du muasch ja die besten österreichischen Schispringer vor Unfälle bewahra.
Bei d'r oanen oder anderen Siegesfeier warsch sicher mit dabei bis zum Schluß,
weil gwonna haba huria meistens die Österreicher und kuan Russ.
An Böller iatz no ganz laut kracht,
damit du no long unfallfrei hinter dem Buslenkrad außi lachs.

Fam Larcher Peter Margret

O lossa miar iatz zwarsch a Raketa marschiera
Und tian glei zur Nala und zum Neni gratuliera.
S'Radlifohra konns sie iatz d'r Peter d'rspora,
weil iatz muaß er von Grins bis Stonz mit'm Poppawoga fohra.
D' Margret ward ihn dabei schua instruiera
wia er da Simon konn guat umchafiahra.
Dia Glickwünsch sette ou d'Carmen un der Dietmar heara,
trotzdem, dass dia zwoa iatz zu dritt auf Grins aui kehra.

Schütz Florian

Dar Florian, Tag ein Tag aus,
parkt sei Auto aufm Parplatz direkt vorm Haus.
In dar Friahtag will er zur Arbeit fohra,
da hat deas Auto an mortz Schoda.
Sou a Malleur isch ärgerlich,
ob dei Auto ou wirklich richtig gstonda isch?
Als großer Fuaßballfan da isch deas wichtig,
erscht im Stadion gspürt ma die Atmosphäre richtig.
Bei dar Europameisterschaft hat sich dar Flo als Schwed ausgeaba,
miar hoba keart die Madla sein dir glei zu Füßen gleaga.

Fam Schütz Egon Sissi

Dr Egon hat`s ins glei gseat, es gibt huira nix bsunders zum berichta,
deas macht`s ins schwar eppas hetzigs zum dichta!
Beschlossa hat dr Egon lei mia huira die FF-Kassa zum macha,
so hot er mia Zeit für andere Socha!
A morz Dankschian für die .. Jahr woas gmacht hasch,
schad für ins und gmiatlicher für die dass es guat sei lasch!
Iatz kannsch halt lei mia schaua dass die Kassa Dahuam stimmt,
und miar stella sicher dass die Scheiba bis in Bach achi singt!
(!!Dankschia!!)

Huber Susanne und Peter

Miar wünsch, dass dia Scheiba weit aussigeht,
weil iatz d'Susanne und d'r Peter auf der Lischta steht.
An nuia Autowaschplatz hot sie iatz neba ihrem Kaffee,
dös wor sicher a guati Idee.
Zum a saubara Auto kehrt a Kaffeeli d'rzua,
drum kehra nocha ou nou viel bar Susanne im Cafe Huber zua.
A Raketa loassa miar iatz nou singa,
dass dia Idee ou an Gewinn sett bringa.

Fam Huber Robert Gabi

Liaba Leit, eppas sog a miar enk heint
Der Hansrobert und d'Gabi sei geara dett, wo d,Sunna scheint.
Dia Finanzkrise tuat d'Gabi gor nit irritiera
weil sie tuat lieber an Edelmetall investiera.
A nuie Hüfte aus Titan sie iatz Ihr Eigen nennt,
drum isch sie im Herbst olli mit ama Steck a umma-grennt.
Und dass die nui Hüfte in Zukunft ou guat funktioniert
Iatz für enk nou a schiani Raketa marschieret.

Fam Rainalter Eckehardt Hella

Dr Ekki war in Italien dunta Gschäftla mocha,
drum hab a miar iatz ou eppas zum derzähla und locha!
Zearsch hat er bald seinen Flug versaumt,
und vor lauter Gneat hats in dann no über d Rolltrepp a achigraumt!
Augwacht isch er nocha im Krankahaus,
und deis Gschichtle isch no lang nit aus!
Dernach isch gweasa die Geldtasch laar,
hoba dia Dektar (Doktoren)eppa schua im vorhinein kassiert ihr Honorar.
Seine Kollega hoba wella ihn vom Spital ahola,
derweil war beim Auto d Scheiba einschlag a und s Zuig ausigstohla!
Zum sein Auto hola hat er die Tanja gfragt,
und sie mit 3 falsche Schlüssl nach Bozen achi gjagt!
Miar kenna lei hoff a es weart alles wieder guat,
drum hau mar a Scheiba ins Tal mitsamt dr Gluat.

Rainalter Ekehardt

Im Ekki miaßa miar amal zu seinem Nachwuchs gratuliera
Und lassa dafür a extra Raketa in Himml aui marschiera!
Theodor-Albin haba sie ihn toaft,
und miar hoffa dass alles guat loaft!
Verganga isch`s im Ekki s` locha,
wo`s koaßa hat die nuie Wohnung sei ou nou zum mocha!
Gwoara isch`s wia zum erwarta individuell
und sall it amal langsam sondern richtig schnell!
Dr Ekki hat sich gfragt ob sich`s denn ou ausgeat
dass nebam Kuchatisch nou sei nuis Mischpult steat!
Alles in allem loaft`s beim Ekki und Fam. Guat und Recht,
drum schau mar ob die Scheiba iatz ou ins Tal achi mecht!?

Scheiber Peter

Fürn Peter wars im Frühjahr mitm Baras vorbei
Und iaz tuat er wieder so allerei
Glei isch er wieder beim Weiß auf'd Arbeit ganga
der im Peter tuat viel abverlanga
So hat er sich denkt im Winter gea I auf Anton aua
Und tua auf die Gäst und vorallem auf deren Ski schaua
Mir hoffa dass du als Hallenwart weiter so angagiert bisch
Und mach so weiter wia's iaz isch.

Scheiber Robert

Feira tia mir alle gonz gera
aber die meisten hera auf bevor sie secha die Stera.
Da war er deas Johr amal inglada zu ara 30-Feier
Da hat er toll trunka aber a zimmer woram nacha decht zu teuer.
A so an Barhocker isch decht ganz bequem
Isch mal feiner zum schlofa als wia im stehn.
Aber wo alle gonga sein hat ma ihn ins Taxi troga
Dass er sich numma muas toll umchaploga.
Dass öfter tuasch allua huam finda in dei Bett
schloga mar iaz gscheit icha in deas Brett.

Fam Scheiber Helmut Martha

Die Raketa tia mar weit auaschiaßa.
Und damit a nuie 50erin bei ins begriaßa.
Gfeiert hot die Martha in Strenga in der Poscht,
weil do gibt's jo bekonntli a guate Koscht.
Nu dr Helli hot miaßa dahuam daußa bleiba,
und drweil seina Wunda mit Solba inreiba.
Beim Holza isch an Oscht ochazischt,
und hot da Helli saggrisch drwischt.
Helli, muasch numma so wild uma oschta,
du bisch jo ou fufzig, tua liaber öfter roschta.

Grießer Eva Maria

Über die Eva kenn mar nit viel schreiba,
weil sie sich tuat s'holb Jahr im Deitscha umatreiba.
Wenn sie amol frei hot kimmt sie gera vorbei,
hot aber nocha olli an Stress, des isch nit fei.
Oma - Opa b'suacha und Kollega,
Am Abend aus gian, des muas ma hoba.
Jo Eva tuas mit da Buaba dausa nit übertreiba,
sinsch muasch am Schluss no dausa bleiba!

Grießer Elisabeth

Die Elisabet hot die Hondelsschual erfolgreich gmocht,
und hot's nocha glei als Sekretärin zu ma Anwalt gschofft.
Aber des tuat ihra numma sou tauga,
trum tuat sie sich iatz um die Matura schauga.
Die Abendschual in Imst hosch dr denkt,
ober dia geat 4 Jahr, jo ma kriagt sie nit gschenkt.
Jo des tuasch du sicher leicht schoffa,
drum loss mar nou an Pöller krocha!!!

Fam Grießer Hubert Rosmarie

Wenn dr Hubert und d'Rosi in Grins beim Feira sei,
nocha weart ou trunka s'ua oder ondere Glasi Wei.
Drum lossa si in dr Nocht s'Auto in Grins doba stiah,
weil da Kurza auf Gurnau ocha konn ma z'fuaß ou giah.
Dahuam vor'm Haus kimmt ihna in Sinn,
der Hastürschlüssel liegt in Grins im Auto drin!
Glei weart d'Loater ongestellt und aucha übern Balkon,
dr Hubert klopft beim Fenschter von der Elisabeth on.
Dia weart si denkt hoba, der Papa der spinnt,
wenn er iatz schua zu miar ga fenschterla kinnt.
Do hoba olla kett eppas zum Locha,
miar lossa enk dazua no an Böller krocha.

Schmid Daniel

Dia Scheiba vom Daniel los mar weit ausa fliaga,
und dian diar dr'mit zur Matura gratuliera.
Die Schual hosch so weit fertig gmocht,
no hot die ou glei s'Bundsherr on glocht.
Im Heer tia sie uan geara draktiara,
aber des tuasch du uanfoch ignoriara.
So hoschas als Sekretär in die Kanzlei ia gschoft,
sou isch die Zeit verganga wie g'locht.
Iatz muasch numma mit'm griana G'wantla Wache stia,
sondern konsch in ruhe Studiara gia!

Fam Schmid Harald Angelika

Dar Harald tuat bei dar ÖBB schua lang kuane Karta mia zwicka,
er tuat schua länger s Personal hin und her schicka.
Seitm letschta Jahr steaht a nuis Schildli auf seim Tisch,
nämlich dass er iatz Personalchef isch.
Und nit nu deas wie ma sou heart,
ou Key Accounter da nou steaht.
Was deas isch wissa miar nit sou genau,
hoffentlich gibt's a gscheide Zualog auf dein Gehalt drau.
Für enk zwoa lossa mar iatz nou an Böller giahn,
und haua enk a Scheiba übers Brett ganz schian.

Fam Schmid Helmut Linde

A Raketa lossa miar iatz glei aucha
Und sogä dir Helli, zum Bohnfohra wearsch ou du an Ausweis braucha.
Auf Bregenz wollta sie fohra, nu hot ,r Helli da Ausweis dahuam
So isch ,Linde ingstiega in Zug und fohrt alluan.
Der Helmut fohrt huam, holt da Ausweis und fohrt mit'm Auto deam Zug
hintadrin,
nit in Anton, nit in Langen earsch in Bludenz holt er ihn in.
In Bludenz steigt d,Line aus und denkt es isch gscheiter
Mir fohre iatz glei mit'm Auto bis Bregenz weiter.
Es hattats glei kenne miteinondner von Gurnau mit'm Auto fohra,
nocha hattet's enk viel Ärger kenna d'rspora.

Juen Julia

Julia mir haba keart iatz hasch es schian
kansch alli ins nuie Büro aussigian.
Und in deiner Freizeit da nutzesch es guat
bringsch mit dr Musi ou alls auf oan Huat.
Ob ausrucka oda oan Ausflug gmacht weard
d Julia geat mit so wias sich keart.
Julia tua lei so weitr macha
Iatz lassa mir dr no an Bölla kracha.

Fam Juen Hubert Erika

Übern Hubert und Erika gib'ts nit viel zum schreiba,
auser dass sie hoba mit da Zigretta a Leida.
Sie hoba sich's z'Neu Johr gseit,
ohne Zigretta geatz ou, des war a Freid.
Bis no hobt's des gonz guat ohne gschoft.
Iat'z funktioniert's ou no s'rstliche Johr des war jo glocht!

Fam Juen Josef Paula

Als erst's well mar am Seppl vergelt's Gott sogä,
das mar derfa wieder d'Scheiba über sei Wiesa oa schloga.
Die Paula isch huira gwoara 70 Johr,
do hots a groase Fete geiba des isch klor.
Jo Paula miar wella diar ou no dr zua gratuliara,
und tia dar no a Raketa spendiara!

Fam Siegele Waldemar

Dr Waldemar isch für viele Sacha zum haba
Aber was er nit geara tuat isch sich abplaga
Im Summer hat er sich denkt i bin nit bled
Zum Holza brauch i iaz a neus Gerät.
Da brauch i nit zum Baumarkt loafa
Weil deas isch völlig umasinscht da eppas z'koafa
A poor Bretter und Nägel sei bereit
Und loas geats mit dr Kranbauarbeit
A poor Balka in sich verkeilt und mit Nägl fixiert
Und schua lupfts dia Holzbriegl auf wie gschmiert.
S'Patent anmelda muasch auf jedenFall
drum explodiert iaz an Bölllenr mit am heida Knall.

Firma Maschler Karl

Dia Raketa singt aua wunderschia,
iatz bleib mar beim Maschler Karl stiah.
Miar hoffa, der Betrieb tuat ou des Johr guat loufa,
und die Leit tia trotz der Krise Autos koufa.
Dia Phase wearsch du gwiß guat übertaucha,
weil Autos wear mar olli braucha.
Di Fuirwehr spendiert dir an Böller zum Schluss,
miar wünsch dir jedenfolls a Umsatzplus.

Fam Juen Klaus Anna

Dr Klaus war deas Jahr wieder sportlich unterwegs
Aber sei Kappa geatm alli mehr aufn Kecks
Drum hat er sich dnenkt i gea mitm Trend
Iaz fährt er Ski mit Helm dassn fast niamand mia erkennt.
Iatz sigt man alli öfter die Pista ocha schießa
Mir hoffa dass dr Anni dahuam nit tuat verdrießa
Iaz haua mar dia Scheiba ganz ganz ganz weit ausa
I hoff du hasch an Helm auf sinsch magsch sausa.

Thöni Maria

Dia Scheiba sell bsunders weit außagiah,
weil iatz bleib mar beir Maria stiah.
Ins isch kema zu da Ohra,
du bisch s' letscht Johr 80 gwoara.
D'Fuirwehr wünsch dir nochträgli s' ollerbescht,
Tua gsund bleiba und pass auf di auf gonz fescht.